

Broj: 12/1-19-035032/25
Tuzla, 28.10.2025. godine

Ministarstvo prostornog uređenja i zaštite okolice TK, rješavajući po zahtjevu Denix d.o.o. Srebrenik za dozvolu za aktivnosti upravljanja otpadom – transport otpada, a na osnovu članova 12. i 13. Zakona o upravljanju otpadom (“Službene novine Federacije BiH” broj: 33/03, 72/09 i 92/17), člana 200. Zakona o upravnom postupku (“Službene novine Federacije BiH” broj: 2/98, 48/99 i 61/22) i odredbi Pravilnika o izdavanju dozvole za aktivnosti male privrede u upravljanju otpadom (“Službene novine Federacije BiH”, broj: 58/24) donosi

R J E Š E N J E
o izdavanju dozvole za aktivnosti upravljanja otpadom – transport otpada

1. Vrsta aktivnosti upravljanja otpadom

Daje se privrednom društvu Denix d.o.o. Srebrenik dozvola za obavljanje aktivnosti upravljanja otpadom – transport neopasnog otpada RDF (zapaljivi otpad – gorivo nastalo iz otpada) do pogona privrednog društva Lukavac Cement d.o.o. Lukavac koje posjeduje okolišnu dozvolu za spaljivanje RDF-a.

2. Vrsta i količina otpada koji je predmet postojeće ili predviđene aktivnosti:

Vrste otpada koje će privredno društvo Denix d.o.o. Srebrenik transportovati do pogona privrednog društva Lukavac Cement d.o.o. Lukavac, u skladu sa članovima 3. i 5. Pravilnika o kategorijama otpada sa listama (“Službene novine Federacije BiH” broj: 9/05) su:

R. br.	Ključni broj	Opis grupe kojoj pripada neopasni otpad	Kol. t/god
1.	19 12 10	Zapaljivi otpad (gorivo nastalo iz otpada)	5.000,00
UKUPNO (cca) t/god			5.000,00

Ukupna količina neopasnog otpada koje će privredno društvo Denix d.o.o. Srebrenik prevoziti do pogona privrednog društva Lukavac Cement d.o.o. Lukavac iznosiće cca 5.000,00 tona/god. Precizne godišnje količine neopasnog otpada koje će privredno društvo Denix d.o.o. Srebrenik transportovati do pogona privrednog društva Lukavac Cement d.o.o. Lukavac biće utvrđene u godišnjem izvještaju o ispunjenju uvjeta iz dozvole koji je potrebno predati Ministarstvu prostornog uređenja i zaštite okolice najkasnije do 31. marta naredne godine za prethodnu godinu.

3. Podaci o porijeklu i daljem odredištu otpada:

- 3.1. Neopasni otpad će se prevoziti iz Republike Slovenije do pogona privrednog društva Lukavac Cement d.o.o. Lukavac.
- 3.2. Neopasni otpad se koristi u pogonu privrednog društva Lukavac Cement d.o.o. Lukavac kao alternativno gorivo za proizvodnju cementa.

4. Metode upravljanja otpadom:

- 4.1. Podnosilac zahtjeva je odgovoran za postupanje sa otpadom u smislu njegovog transporta do privrednog društva koji posjeduje okolinsku dozvolu za spaljivanje RDF-a.
- 4.2. Podnosilac zahtjeva transportuje otpad samo na odredište, a ako se otpad ne može isporučiti na

odredište, podnosilac zahtjeva vraća otpad pošiljaocu.

- 4.3. Otpad se mora prikupljati vozilom koje je opremljeno sa opremom koja onemogućava rasipanje, proljevanje, odnosno ispuštanje otpada te širenje prašine i neugodnih mirisa.
- 4.4. Transport neopasnog otpada obavljati sa adekvatno opremljenim vozilima za prijevoz neopasnog otpada u zatvorenom vozilu, kontejneru ili na drugi odgovarajući način kako bi se spriječilo rasipanje ili ispadanje otpada prilikom transporta, utovara i istovara, kako bi se spriječilo zagađenje vazduha, vode, zemljišta i okoliša.
- 4.5. U slučaju zagađenja nastalog u toku transporta, prijevoznik će biti odgovoran za čišćenje i dovođenje u prvobitno stanje zagađenog područja. Ako se otpad ne može isporučiti na odredište prijevoznik će vratiti neopasni otpad pošiljaocu.
- 4.6. Imenovati odgovornu osobu za interno praćenje neopasnog otpada, te izvršiti obuku o metodologiji monitoringa i vođenja evidencije.

5. Opći tehnički zahtjevi za rad, monitoring i sisteme praćenja

- 5.1. Obaveza je podnosioca zahtjeva da Ministarstvu prostornog uređenja i zaštite okoliša dostavi godišnji izvještaj o ispunjenju uvjeta iz dozvole najkasnije do 31. marta naredne godine za prethodnu godinu (Uredba o obavezi dostavljanja godišnjeg izvještaja o ispunjenju uvjeta iz dozvole za upravljanje otpadom ("Službene novine Federacije BiH" broj: 31/06).
- 5.2. Obaveza je podnosioca zahtjeva da godišnji izvještaj iz člana 11. stav (4) Uredbe o informacionom sistemu upravljanja otpadom ("Službene novine Federacije BiH" broj: 97/18) dostave u Fond do 31.03. tekuće godine za prethodnu.

6. Mjere predostrožnosti koje se trebaju preduzeti:

- 6.1. Vršiti kontrolu ispravnosti kamiona za transport neopasnog otpada.
- 6.2. Potrebno je preduzimati mjere sprečavanja rasipanja neopasnog otpada na javnim putevima (iz vozila koja dovoze otpad), a ukoliko do toga dođe, potrebno je ukloniti ih.
- 6.3. Potrebno je poduzeti mjere sprečavanja raznošenja otpada vjetrom izvan kamiona za transport te, ukoliko dođe do raznošenja otpada, poduzeti mjere za uklanjanje istog.
- 6.4. Transport otpada prati odgovarajući prateći list o kretanju otpada.

7. Period na koji se dozvola izdaje:

Dozvola se izdaje na period od 5 godina od dana izdavanja ovog rješenja. Zahtjev za produženje dozvole podnosi se Ministarstvu prostornog uređenja i zaštite okolice TK prije isteka važenja predmetne dozvole.

8. Obaveza operatora nakon prestanka rada:

Ukoliko dođe do prestanka rada iz okvira djelatnosti privredno društvo Denix d.o.o. Srebrenik, obavezno je da preduzme sve mjere na zbrinjavanju preostalih količina otpada.

OBRAZLOŽENJE

Privredno društvo Denix d.o.o. Srebrenik podnio je Ministarstvu prostornog uređenja i zaštite okolice TK zahtjev za dozvolu za obavljanje aktivnosti upravljanja otpadom – transport otpada.

Pregledom dokumentacije priložene uz zahtjev utvrđeno je da Zahtjev za izdavanje dozvole podnesen u skladu sa članom 13. Zakona o upravljanju otpadom ("Službene novine Federacije BiH", broj: 33/03, 72/09 i 92/17).

Uz Zahtjev za izdavanje dozvole za upravljanje otpadom, od oktobra 2025. godine podneseni su i prilozi:

1. Aktuelni izvod iz sudskog registra od 10.10.2025. godine,
2. Uvjerenje o poreznoj registraciji od 13.07.2005. godine,

3. Lista osiguranih lica od 16.10.2025. godine i
4. Ovjerene kopije diploma visoke stručne spreme.

Nosilac zahvata je, na osnovu TAR. broj 50. Zakona o kantonalnim administrativnim taksama i tarifi kantonalnih administrativnih taksi („Službene novine Tuzlanskog kantona“, broj: 06/12 i 15/13), platio taksu u iznosu od 200,00 (dvijestotine) KM, a izvještaj o uplati je u spisu ovog predmeta.

Na osnovu naprijed navedenog, a shodno odredbama člana 13. Zakona o upravljanju otpadom, doneseno je Rješenje kao u dispozitivu.

POUKA O PRAVNOM LIJEKU

Protiv ovog Rješenja je dopuštena žalba Federalnom ministarstvu okoliša i turizma u Sarajevu u roku od 15 dana od dana prijema Rješenja.

Žalba se podnosi putem ovog Ministarstva ili putem pošte, a taksira se sa 10 KM kantonalne administrativne takse na Tuzlanski kanton kod NLB banke na račun broj: 132-100-02560000-80, sa naznakom za vrstu prihoda broj: 722121.



Dostaviti:

- Denix d.o.o. Srebrenik, Novo naselje polje bb, Srebrenik
- Inspektoru zaštite okoliša – Kantonalna uprava za inspeksijske poslove
- Grad Srebrenik – Služba za prostorno uređenje i zaštitu okoliša
- Evidencija i
- Arhiva.